

TEZĂUR LITURGIC
25 APRILIE

ACATISTUL
SF. APOSTOL
ȘI
EVANGHELIST
MARCU
I



MOSCOVA, 2000



Акафист святому апостолу и евангелисту Марку

Кондак 1

Преславних апостол Петра и Павла соратниче, струями Благодати Господней напоивши обильне концы мира, святой апостоле Марк, призри ныне на ны, чтущия усердно память твою! Укрепи сердца наша Троическою верою, исполни нас духа премудрости, научи разума, обрати во учеников своих, да непрестанно поем благодарственная тебе, во умилении зовуще: Радуйся, святой апостоле Марк, во Евангелии Христа проповедниче!

Икос 1

Мира Создателю, Христос Бог, падшее во тьму человечество, Светом Нетленным просвещати желая, тя, блаженне апостоле Марк, из дома матери твоея Марии во граде Иерусалиме на служение Себе призва, на делание спасения нашего во мнози земли иудеом и елином Христа Распятого, Божию Силу и Божию Премудрость проповедати послав. Темже и мы, светом учения твоего озаряеми, сердцем и усты к тебе сице вопием:

Радуйся, из еврейска колена Левиина

родивыйся,
Радуйся, от племени священнического Богом
избранный,
Радуйся, в доме матери своея Марии,
апостольском прибежище, свет узривый,
Радуйся, еврейски Иоанном нареченный,
латинское имя Марк во славу Бога просветивый,
Радуйся, обычаи родительские почитавый,
Радуйся, измлада истинную простоту
возлюбивый,
Радуйся, от юности украшенный добродетельми,
Радуйся, к вере и упованию на Бога нас
призывавый,
Радуйся, святой апостоле Марк, во Евангелии
Христа проповедниче!

Кондак 2

В соборные труды созывающе иерусалимлян
верующих и апостол Божиих, дом матери твоея,
святой апостоле, тебе ковчегом духоносным и
назидательным стал, обаче и мы соборность
церкви Господней почитаем, усердно поя:
Аллилуиа.

Икос 2

Разум Божественный имея, при жизни земной в
церкви Града Господня сугубо чтимый, твой
дядя Варнава, апостоле Марк, «муж добрый и
исполненный Духа Святаго и веры», Троическим

Промыслом к апостолу Павлу в доме матернем
тебя приближивый, за таковое и мы с
благоговением умиленно вопием сицевая:
Радуйся, апостолу Варнаве по плоти и о Бозе
сродниче,
Радуйся, в доме матернем первоверховных
апостол Петра и Павла сретевый,
Радуйся, первоверховных апостол Петра и Павла
учениче став усердный,
Радуйся, Духа Святаго обогативыйся от апостол
первоверховных,
Радуйся, яко сам стал еси обителищем
Пресвятаго Духа,
Радуйся, украшение целомудрия,
Радуйся, от Господа жребий апостольства
улучивый,
Радуйся, благовестия трубо, основания ветхаго
мира сокрушивый,
Радуйся, святой апостоле Марк, во Евангелии
Христа проповедниче!

Кондак 3

Силою свыше укрепленнии, в первый путь из
Антиохии к иудеом и волхвом с апостолы
Павлом и Варнавою послани Господом бысте,
тебя, святой апостоле и евангелисте, с собою
взявше, нам же укажи стезю ко Господу,
вопиющих: Аллилуиа.

Икос 3

Имуще премудрость шествовати за старшими апостолы, ты святителю Марк, остров Кипр с востока на запад прошед проповеда, тем убо и наша души, омраченныя мраком страстей ко Свету Господню просвети, да восхвалим ти тако: Радуйся, свидетелем став поражения слепотою волхва Вариисуса по слову апостола Павла, Радуйся, в Малую Азию из Кипра со апостолы Павлом и Варнавою прошеествовавый, Радуйся, дерзающий Промысел Божий исполняти, из Пергии во Иерусалим возвративыйся, Радуйся, во Святом Граде ко апостолу Петру присоединивыйся, Радуйся, со апостолом Петром в Рим от дома матернего шествовати вознамеривыйся, Радуйся, Церковь Православную во граде Риме апостолу Петру содействующе, утвердивый, Радуйся, напоивый землю римскую струями Божественных вещаний, Радуйся, множество язычников римских воинами Христовыми утвердивый, Радуйся, святой апостоле Марк, во Евангелии Христа проповедниче!

Кондак 4

Сладчайшего Учителя ты паче всех благ земных возлюбил еси, яко устремился возвестити Его о

шествии Иуды со стражники, наготу плоти своея успев покрыти токмо покрывалом, научи и нас чрез все житие ко Спасителю свои стопы устремляти, вопияше Ему: Аллилуиа.

Икос 4

Слышаша, Богомудре Марк, ближнии и дальнии римляне из уст твоих о Господе, ревностно возжелали в письменах обрести слово Божие, мы же к их мольбам благодарственно вопием ти:
Радуйся, в дни различны от апостола Петра слышанное во Евангелие изложивый,
Радуйся, Евангелие тобою писанное, второй книгой Завета Господнего ставшее,
Радуйся, Чудесами Божественными во Евангелие Силу Троицы Святой показавый,
Радуйся, явлением Иоанна Крестителя благовествование о Господе начавый,
Радуйся, проповедь из пустыни Иудейской в пустыню всей земли принесый,
Радуйся, яко рыкающему льву глас вопиющего в пустыни уподобивый,
Радуйся, сам со львом в Церкви Христовой показуемый,
Радуйся, непоколебимый столпе, твердо содержащий сущих в вере,
Радуйся, святой апостоле Марк, во Евангелии Христа проповедниче!

Кондак 5

Свершивше труды апостольские в Риме,
исполняя смиренно чрез апостола Петра
послушание Господне – даровати иным землям
Слово Божие, апостоле Христов Марк, научи
смирению и послушанию нас грешных, поющих:
Аллилуиа.

Икос 5

Не ищуще славы себе, но ревностно
благовествуя во Славу Христову, святыи
апостоле Марк, дерзнувый во град императоров
войти, тебе мы, многогрешнии, хвалу воспеваем:
Радуйся, из Рима в Аквилею для проповеди
Слова Божия пришедый,
Радуйся, во граде, возлюбленном императорами,
о Христе Распятом благовествовавый,
Радуйся, Аквилею, златом с Римом равной,
Нетленным Златом Слова Божия озаривый,
Радуйся, воды моря Адриатического водами
Иорданскими утвердивый,
Радуйся, сокровищами духовными богатства
Аквилеи посрамивый,
Радуйся, в граде сем Церковь Христову
основавый,
Радуйся, всем сердцем Иисуса, Сына Божия
возлюбивый,
Радуйся, с усердием Святой Троице земно
послуживый,

Радуйся, святой апостоле Марк, во Евангелии Христа проповедниче!

Кондак 6

Боготечной звезде подобен был еси, апостоле Марк, с радостию во иудейский и языческий Египет Евангелие Христово понесший, научил еси неверных веровати в Троицу Единосущную и купно с тобою воспевати: Аллилуиа.

Икос 6

Подобно Моисею, некогда возвестившему сыном Израилевым избавление от ига фараонова, ты из апостол первым, евангелисте Марк, во Египте возвестил свободу от рабства диавола, мы же, чтущи память твою, умиленно поем:

Радуйся, великое множество жен и мужей иудейских во Египте ко Христу приведый,

Радуйся, зерна Евангелия в уготованную законом Моисеевым землю всадивый,

Радуйся, утверждение Веры Христовой,

Радуйся, столпе Церкви Божия,

Радуйся, в Александрии Египетской Церковь Христову возведый,

Радуйся, насадителю истинного Богопочитания,

Радуйся, светило Веры Православной,

Радуйся, всего рода христианского украшение,

Радуйся, святой апостоле Марк, во Евангелии Христа проповедниче!

Кондак 7

Возрев апостоле Марк, во образе человечестем Владыку мира и Сына Божия, от первоверховных апостол откровение о Господе возлюбивый, сего ради и мы, исповеданию твоему внявше, поем тако: Аллилуиа.

Икос 7

Разум неуразуменный вразумляя о Святей Троице, поборниче исповедания православныя веры, святыи апостоле Марк, из Антиохии со святыми Павлом и Варнавою шествовати во вторый путь с проповедью Христовой вознамеривыйся. Сего ради вернии научишася воспевати тебе:

Радуйся, Промыслу Божию на тебе по исходе из Антиохии свершившемуся,

Радуйся, шествовати далее купно, отказ апостола Павла получивый,

Радуйся, с дядею своим апостолом Варнавою в Кипр возвративыйся,

Радуйся, в сени дома родительского от странствий до времени почивавый,

Радуйся, богоозаренный исповедниче неизреченныя Божественныя славы,

Радуйся, мир вещанием воплотившегося Божиего Слова озаривый,

Радуйся, мрежею благодати нас из сует мира любовь возводящий,

Радуйся, учений небесных благовещанный
сказателю,
Радуйся, святой апостоле Марк, во Евангелии
Христа проповедниче!

Кондак 8

Тайнам Царствия Божия наученный, паки во
Египте благовествуя, апостоле Марк с апостолом
Петром сретивыйся, омраченныя грехми души
наша просвети, да воспрянем еже пети Богу:
Аллилуиа

Икос 8

Весь огнем Божественныя любви исполненный, в
терпении стяжав Дух Святой, Богом водимый
десницей своею Евангелие Господне написуя,
апостоле Марк, со апостолом Петром в Вавилоне
для трудов новых сретивыйся, мы же, любовью
твоею побеждаеми, дерзаем звати тебе таковая:
Радуйся, апостолу Петру усердно подражавый,
Радуйся, с апостолом Петром Церковь Христову
в Вавилоне египетском создавый,
Радуйся, в храме том апостол Петр первое
послание к малоазийцам сотворивый,
Радуйся, друже вратаря Райского, ответшего
Спасу: ты еси Христос, Сын Бога Живаго!
Радуйся, собратом став Апостолу, ключи
Царствия Небеснаго стяжавшего,
Радуйся, Христово Евангелие в себе воплотивый,

Радуйся, ко свету Тайн Божиих приницающий,
Радуйся, слова Божия усердный изъяснителю,
Радуйся, святой апостоле Марк, во Евангелии
Христа проповедниче!

Кондак 9

Силою свыше осененный, апостоле Марк,
гонителей святой веры неустрашившися,
благовестнические труды заточенного во узы в
Риме апостола Павла разделивый, Веру
Христову велегласно прославляя, темже пояху
Богу : Аллилуиа

Икос 9

Вития многовещаннья не довлеют изглаголати
чистоту духовную, юже имел ты, апостоле Марк,
и нас научи вере крепцей, с любовью зовущих
ти:

Радуйся, Павлом, во дни заточения, Колоссянам
о тебе писавшем, яко о своем утешителе,
Радуйся, им же сотрудником своим для
Царствия Божия нареченный,
Радуйся, просьбу апостольскую шествовати из
Рима в Малую Азию исполнивый,
Радуйся, во фригийский град Колоссы
пришедый,
Радуйся, лжеучителям, прельщавшим колосских
христиан, противодейственниче,
Радуйся, иудеев и елинов просветителю,

Радуйся, тридневнаго смерти и Воскресения
Божества благовестителю,
Радуйся, кротости и воздержания учителю,
Радуйся, святой апостоле Марк, во Евангелии
Христа проповедниче!

Кондак 10

Спасти хотя род человеческий, сам
благовестником на стезех Божиих ставый, в
прилежном послушании апостолу Павлу верен до
конца бывый, поя Троице Пресвятей: Аллилуиа

Икос 10

Царя Небеснаго, Егоже славословят Херувимы и
Серафимы, житием, верою и любовью
всеусерднейший служитель был еси, апостоле
Марк, первоверховным апостолом Павлом пред
кончиною его во узах был призванный, тем
радостно зовем ти:

Радуйся, послание апостола Павла к Тимофею
исполнивый,

Радуйся, со апостолом Тимофеем из Малой Азии
в Рим на помощь Павлу поспешивый,

Радуйся, свидетелем мученической кончины
обоих учителей своих явивыйся,

Радуйся, великого апостола Павла, римского
гражданина, усекновенным узривый,

Радуйся, первоверховного апостола Петра,
распятым на кресте созерцавый,

Радуйся, плоть свою ко страданиям за Христа
уготовавый,
Радуйся, слезы за грехи людские пред Господом
пролиавый,
Радуйся, учителей своих в Царствии Божиим
встретивый,
Радуйся, святой апостоле Марк, во Евангелии
Христа проповедниче!

Кондак 11

Пение Пресвятей Троице с первоверховными
апостолы воздал еси, апостоле Марк, словом,
умом и живым всего себе в жертву
принесением: подражая бо Распятому за ны
непорочному Агнцу Христу, положил еси душу
свою за други своя волею. Темже благодарни
сущи, поем Дивному во святых: Аллилуиа.

Икос 11

До последнего часа своего научати Любви
Господней и Слова Божия устремленный,
апостоле Марк, паки во Египет после убиения
учителей своих стопы направивый,
просвещаеши бо сердца верных и к разуму
Божественному вся наставляеши, поучая и нас
весело взывати:
Радуйся, во Египет воздвигнутый тобою храм
благоустраивать направивыйся,
Радуйся, в Александрии средоточие греческого

учения в знатном книгохранилище во славу
Христову употребивый,
Радуйся, иудеев, увлекшихся греческой
ученостью, к знаниям христианским приведый,
Радуйся, христианское училище в Александрии
основавый,
Радуйся, училище сие, знаменитыми учителями
и отцами церкви прославивший,
Радуйся, в заботах о службах церковных, чин
Божественная Литургии составивый,
Радуйся, из Александрии проповедать Христа в
Африку, Ливию и иным языкам путь
предприявый,
Радуйся, во Египте проповеди твои вровень с
млеко матери христиане употребиша,
Радуйся, святой апостоле Марк, во Евангелии
Христа проповедниче!

Кондак 12

Благодать Божия соблюдаше тя, апостоле Марк,
аки Петр и Павел Евангелие возвещал еси,
Словом Христовым верныя утешая. И тако упасл
еси Церковь даже до дне, егда язычники злые в
храм ворвавшись с намерением погубити тя,
неустанно взывал ко Господу: Аллилуиа.

Икос 12

Поюще многотрудныя подвиги за Христа,
всехвальный апостоле Марк, хвалим

евангельския труды твоя, ублажаем
мученическую кончину, почитаем священную
память твою и в похвалу сицевая тебе зовем:
Радуйся, первый епископе Церкви
Александрийской,
Радуйся, Александрии первомучеником
явленный,
Радуйся, элинское божество Сераписа Святою
Пасхою разрушивый,
Радуйся, в праздник Христовой Пасхи элинами
умученный,
Радуйся, Ангелом Господним в темнице на
подвиг укрепленный,
Радуйся, истерзанный, вслед за Ангелом от
Самого Господа утешение приявый,
Радуйся, во второй день лютою толпою
дорогами града влаченный, дух от мук
испустивый,
Радуйся, яко тело твое, не дал еси Господь огнем
сожещи, громом с молнией злорадных элинов
вразумляя, и христианом пречистую плоть
погребати благословивый,
Радуйся, святой апостоле Марк, во Евангелии
Христа проповедниче!

Кондак 13

О всехвальный благовестниче апостоле и
евангелисте Марк! Внемли убо въздыханию
сердец наших, молящихся тебе, учителю и

архипастыре, много бо может молитва святых апостол пред Богом: научи нас потщитися и памятовати о небеснем звании и христианстей кончине жизни нашея, привлецы ны ко сладости евангельския истины, свяжи узами любви Христовы, да мы вси, отвергшеся нечестия и мирских похотей, внидем в радость Господа нашего, поюще ему с тобою и со всеми апостолы: Аллилуиа.

Этот Кондак читается трижды, затем Икос 1 и Кондак 1

Молитва

О, преславный апостоле и евангелисте Марк, душу за Христа предавый и кровию твоею пажить Его удобивый! Узри на нас, чад Господним многогрешных, всех zde ныне стоящих и молящихся (имярек) молитвы и воздыхания сердцами сокрушенными ныне приносимыя.

Се бо беззаконьми омрачихомся, и того ради бедами, якоже тучами, обложихомся, елика же добраго жития обнищавом зело, и не возможем противитися волком хищным, иже расхищати наследие Божие дерзостно тщатся.

О, всехвальный апостоле и евангелисте Марк! Просвети нас Светом Святаго Евангелия Господня, вразуми истребить немощи наша,

помоги не отлучатися от Господа Спаса нашего, да не разлучимся в конец от любви Божия, но крепким заступлением твоим нас защити, да помилует Господь всех нас молитв твоих ради, да вразумит Словом Своим и рукописание безмерных грехов наших истребит, и да сподобит со всеми Святыми Апостолы во блаженном Царствии воспевати Пресвятую и Нераздельную Троицу, Отца и Сына и Святаго Духа, и ныне и присно и вовеки веков! Аминь.

